

影印
文淵閣

四庫全書

影印

文淵閣四庫全書

第一四六三冊

北京出版集團公司
北京出版社

本冊目次

宋元詩會(一)

清陳焯編……一

欽定四庫全書

集部
宋元詩會卷二

詳校官中書_臣陸 湘

主事銜_臣徐以坤覆勘

總校官知縣_臣繆 琪

校對官中書_臣牛稔文

膳錄監生_臣許紹錦

欽定四庫全書

集部八

宋元詩會

總集類

提要

臣等謹案宋元詩會一百卷

國朝陳焯撰焯字默公桐城人順治壬辰進士

選庶吉士以耳聾告歸不復出覃思著述取

所見宋元詩人之作輯為此編每人各紀其

爵里本末于下以備考訂雖甄錄篇什無多

欽定四庫全書

宋元詩會
提要

而摭拾家數頗為廣備王士禛香祖筆記稱

康熙甲子奉使南海次相城焯過其客署二

從者背負巨囊揖罷即呼具案顧從者取囊

書數十大冊羅列案上指示士禛曰此吾二

十年來所輯宋元詩會若干卷將待君決擇之

然後出而問世云云蓋即指是書而言是其

卷帙本極繁富而今刊行之本僅止此數或

經士禛鑒別之後焯重加釐定而復為刪繁

以就簡者然上下數百年間詩家林立其源
流姓氏一一粲然以視吳之振顧嗣立兩家
雖浩博不及之而梗概亦已略具矣乾隆四
十五年十月恭校上

總纂官臣紀昀臣陸錫熊臣孫士毅
總校官臣陸費墀

欽定四庫全書

宋元詩會
提要

欽定四庫全書

宋元詩會卷一

兵部主事陳焯編

宋太祖

御史載宋師圍金陵南唐使徐鉉來欲用口舌解
圍鉉盛稱其主博學多藝有聖人之能因誦所為
秋月詩宋祖笑曰此寒士語耳吾不道也鉉未
心服因以上請侍臣皆驚懼相目宋祖徐曰吾微
時自秦中歸道華山下醉臥田間覺而月出有句
曰未離海底千山黑纔到天中萬國明鉉大驚殿
上稱奇大開創之主神智過人區區吟事固無足
道然以一人而肇數百載文明之治其氣象聲口

欽定四庫全書

宋元詩會
卷一

得諸英分函益一世有不期然而然者漢龍準大
風之歌明高皇神鳳慈烏之操後先一揆雲漢天
章自非刻鏤組
織所能幾也

初日詩

太陽初出光赫赫千山萬山如火發一輪頃刻上天衢
逐退羣星與殘月

宋仁宗

帝於進士聞喜宴必製詩以賜之如恩袍草色動
仙籍桂香浮皆警句也嘉祐初梅龍圖摯出守杭
州亦拜賜章凡數首其首篇曰地有吳山美東南
第一州則見之歐文有美堂記餘惜不盡傳爾

賞花釣魚

晴旭輝輝苑籞開
氤氲花氣好風來
游絲罥絮紫行仗
墮蕊飄香入酒杯
魚躍文波時潑刺
鶯留深樹久徘徊
青春朝野方無事
故許遊觀近侍陪

賜劉沆輓章

早富經綸業終成
輔弼功立朝無黨比
為國盡公忠此
日悲遺直誰人嗣
匪躬深嗟亡一鏡
何以慰予衷

宋神宗

欽定四庫全書

宋元詩會
卷一

神宗深於風雅頗自韜晦未嘗輕露其能而結構
完密蘊義纏綿如輓大公主三章則直詩人之詩
不得以帝王篇什目之也蓋汴宋慶厯嘉祐間當
人文之極盛臣下製作傳聞宮禁名章秀句服習
宏多雖曰聰睿性成亦薰染陶冶之力有以致
之乃論者比諸周穆漢祖其風調為不侔矣

秦國大公主輓章三首

海澗三山路香輪定不歸
帳深空翡翠珮冷失珠璣
明月留歌扇殘霞散舞衣
都門送車返宿草自芳菲
曉望城西道靈車去漸遙
春風空魯館明月斷秦蕭
塵入羅衣暗香隨玉篆銷
芳魂飛北渚那復可為招

慶自天源發恩從國愛申
歌鐘雖在館桃李不成春
水折徒還沁樓高已隔秦
區區會稽市無復獻珠人

宋徽宗

道君無所不能何有於詩然靡靡之音識者知其
不競藝林所錄惟禁苑荔枝一首音節稍壯顧紅
塵一騎害馬勞生唐室妖風奚堪髮髯而未年之
識早寓於此存詩者所以志戒也若其篇什則無
取焉

禁苑荔枝結實賜燕帥王安中

葆和殿下荔枝丹文武衣冠被百蠻
思與近臣同此味

欽定四庫全書

宋元詩會
卷一

紅塵飛輕過燕山

辛徐常廬

人生何事厭罵塵
汎宅浮家冬復春
今日暫來猿鶴語
他年應召白雲人

宋孝宗

宋南渡令主惟一孝宗其見諸歌吟者雄繁清厲
氣概岸然雖上抑於德壽下沮於僉人而厥志為
可尚矣說者謂在藩邸時得力於
尹焞朱震輩之講習豈不然乎

春晴

春風歸草木曉日麗山河物滯欣逢泰時豐自此多神州應未遠當繼沛中歌

題宮中冷泉堂

孰云人力非自然千巖萬壑藏雲烟上有崢嶸倚空之翠壁下有潺湲漱玉之飛泉一堂虛敞臨佳沼密蔭交加森翠葆山頭草木四時芳閱盡歲寒常不老

玉津園賜和洪邁

春郊采綠遍桑麻小駐芳園覽物華應信吾心非暇逸

欽定四庫全書

宋元詩會
卷一

四

損回晴意絕咨嗟每思富庶將同樂敢務漁畋謾自誇

不似華清當日事五家車騎爛如花

新秋過雨述懷

平生雄武心覽鏡朱顏在豈惜常憂勤規恢須廣大

金山寺

屹然天立枕中流彈壓東南二百州狂敵來臨須破膽

何勞平地戰貔貅

范質

字文素大名宗城人生之夕母夢神人授以五色筆後唐長興四年舉進士為忠武軍節度推官歷

官翰林學士知制誥周祖征叛每覽其誥勅處分軍事輒歎曰宰相器也周廣順初加拜中書侍郎

平章事集賢殿大學士兼知樞密院事進位左僕射世宗不豫入受顧命恭帝即位加開府儀同三

司封蕭國公及宋太祖北征至陳橋為六師推戴質率王溥等遂降階稱臣馬加兼侍中罷知樞密

乾德初帝將有事園丘以質為大禮使進封魯國公卒年五十四質廉介自持兩朝皆任宰輔不事

生產太宗嘗稱之曰近時宰相清慎無出質右者惜欠周世宗一死耳有集三十卷

戒兒姪八百字昨得謝課書希於京秩之中更與還轉余以諸兒姪輩生長以來未

諸外事艱難損益惜然莫辨行古詩一章曉之

欽定四庫全書

宋元詩會
卷一

五

去年初釋褐一命到蓬丘謂謝課

青袍春草色白紵棄如

仇適會龍飛慶王澤天下流爾得六品階無乃太為優

凡登進士第四選升校讐登官十五考叙階與爾儔如

何志未滿意欲凌雲遊若言品位卑寄書求我求省之

再三歎不覺淚盈眸吾家本寒素門地寡公侯先子有

令德樂道尚優游生逢世多僻委順信沉浮仕宦不喜

達吏隱同莊周積善有餘慶清白為貽謀伊余奉家訓

孜孜務進修夙夜事勤肅言行思悔尤出門擇交友防

慎畏薰蕕省躬常懼玷恐拔庭闈羞童年志於學不墮

為箕裘二十中甲科頰尾化為虬

二十三年進士及第今舉全數

三十

入翰苑

時三十三

步武向瀛州四十登宰輔

年四十一

貂冠侍冕

旒備位行一紀將何助帝猷既非救旱雨豈是濟川舟

天子未遐棄日益素餐憂黃河潤九里草木皆寢漬吾

宗凡九人繼踵升官次門內無白丁森森朱綠紫鵷行

泊內職亞尹州從事府掾監省官高低皆清美悉由僥

倖升不因資考致朝廷懸爵秩命之曰公罷才者祿及

欽定四庫全書

宋元詩會

卷一

身功者賞於世非才及非功安得專厚利寒衣內府帛

飢食太倉米不蠶復不穡未嘗勤四體雖然一家榮豈

塞衆人議顯顯十目窺齷齪千人指借問爾與吾如何

不自媿戒爾學立身莫若先孝弟怡怡奉親長不敢生

驕易戰戰復兢兢造次必於是戒爾學干祿莫若勤道

藝常聞諸格言學而優則仕不患人不知惟患學不至

戒爾遠恥辱恭則近乎禮自卑而尊人先彼而後已相

鼠與茅鴟宜鑑詩人刺戒爾勿放曠放曠非端士周孔

垂名教齊梁尚清議南朝稱八達千載穢青史戒爾勿

嗜酒狂藥非佳味能移謹厚性化為克險類古今傾敗

者歷歷皆可記戒爾勿多言多言者衆忌苟不慎樞機

災危從此始是非毀譽間適足為身累舉世重交游擬

結金蘭契怨怨容易生風波當時起所以君子心汪汪

淡如水舉世好承奉昂昂增意氣不知承奉者以爾為

翫戲所以古人疾蘧蒢與戚施舉世重任俠俗呼為氣

義為人赴急難往往陷刑死所以馬援書殷勤戒諸子

欽定四庫全書

宋元詩會

卷一

舉世賤清素奉身好華侈肥馬衣輕裘揚揚過閭里雖

得市童憐還為識者鄙我本羈旅臣遭逢堯舜理位重

才不充戚戚懷憂畏深淵與薄冰蹈之惟恐墜爾曹當

憫我勿使增罪戾閉門斂蹤跡縮首避名勢名勢不久

居畢竟何足恃物盛必有衰有隆還有替速成不堅牢

亟走多顛躓灼灼園中花早發還先萎遲遲澗畔松鬱

鬱含晚翠賦命有疾徐青雲難力致寄語謝諸郎躁進

徒為耳

徐鉉

字鼎臣揚州廣陵人十歲能屬文不妄遊處與韓熙載齊名仕吳為校書郎又仕南唐李景父子宋師圍金陵李煜遣鉉求緩兵及隨煜入覲太祖責之聲甚厲鉉對曰臣為江南大臣國亡罪當死不當問其他太祖歎曰忠臣也事我當如李氏命為太子率更令太平興國中直學士院從征太原師還加給事中八年出為右散騎常侍遷左常侍淳化二年坐尼道安誣以姦私貶靜難行軍司馬卒

寒食日作

厨冷烟初禁門閒日更斜東風不好事吹落滿庭花過

欽定四庫全書

宋元詩會
卷一

社紛紛燕新晴淡淡霞京都盛遊觀誰訪子雲家

中書相公谿亭閑宴依韻

李建勳

雨霽秋光晚亭虛野興迴沙鷗掠岸去溪水上堦來客

傲風欵憤筵香菊在杯東山長許醉何事憶天台

和州酬江中丞見寄

賈傳南遷久江關道路遙北來空見雁西去不如潮鼠

穴依城社鴻飛在沈寥高低各有處不擬更相招

泰州道中却寄東京故人

風緊雨淒淒川迴岸漸低吳州林外近隋苑霧中迷聚散紛如此悲歡豈易齊料君殘酒醒還聽子規啼

送高先輩南歸

鄉國悲前事風光屬後生名從天上得身入故都行草色初裁綬鵬飛不算程自憐枯朽思相送剩含情

送龔明府九江歸寧

茂宰隨官去扁舟著綠衣湓城春酒熟廬阜野花稀解纜垂楊綠開帆宿鷺飛一朝吾道泰還逐落潮歸

欽定四庫全書

宋元詩會
卷一

和致仕張尚書新創道院

梓澤成新致金丹有舊情挂冠朝睡足隱几暮江清藥

圃分輕綠松窓起細聲養高寧厭病默坐對諸生

尚書時有

瘖疾

京口江際弄水

退公求靜獨臨川揚子江南二月天百尺翠屏甘露閣

數帆晴日海門船波澄瀨石寒如玉草接汀蘋綠似烟

安得乘槎更東去十洲風外弄潺湲

宿蔣帝廟明日遊山南諸寺

便返城闌意未甘更從山北到山南花枝似雪春雖半
桂魄如眉日始三松蓋遮門寒黯黯柳絲妨路翠參參
登臨莫怪偏留戀遊宦多年事事諳

和殷舍人蕭員外春雪

萬里春陰乍履端廣庭風起玉塵乾梅花嶺上連天白
蕙草堦前特地寒晴去便為經歲別興來何惜徹宵看
此時鵷侶皆閑暇贈答詩成禁漏殘

欽定四庫全書

宋元詩會
卷一

十

秋日雨中與蕭贊善訪殷舍人於翰林座中作

野出西垣步步遲秋光如水雨如絲銅龍樓下逢閑客
紅藥堦前訪舊知亂點半滋承露處碎聲因想滴蓬時
銀臺鎖入須歸去不惜餘歡盡酒卮

除夜

寒燈耿耿漏遲遲送故迎新了不欺往事并隨殘曆日
春風寧識舊容儀預慙歲酒難先飲更對鄉儂羨小兒
吟罷明朝贈知己便須題作去年詩

正初答鍾郎中見寄

高齋遲景雪初晴風拂喬枝待早鶯南省郎官名籍籍
東隣妓女字英英流年倏忽成陳事春物依稀有舊情
新歲相思自過訪不煩虛左遠相迎

賀殷游二舍人入翰林江給事拜中丞

清晨待漏獨徘徊霄漢懸心不易裁閣老深嚴歸翰苑
夕郎威望拜霜臺青綾對覆蓬壺晚赤棒前驅道路開
猶有西垣廳記在莫忘同草紫泥來

欽定四庫全書

宋元詩會
卷二

十一

送歐陽太監遊廬山

家家門外廬山路惟有夫君乞假遊案牘乍拋公署晚
林泉已近洞天秋海潮盡處逢陶石江月圓時上庾樓
此去蕭然好長往人間何事不悠悠

和蕭郎中小雪日作

征西府裡日西斜獨試新爐自煮茶籬菊盡來低覆水
塞鴻飛去遠連霞寂寥小雪閒中過斑駁輕霜鬢上加
算得流年無奈處莫將詩句祝蒼華

宣威苗將軍貶官後重經故宅

蔣山南望近西坊亭館依然鎖院墻天子未嘗過細柳

將軍尋已成燬煌

史萬歲嘗謫戍燬煌

敬傾怪石山無色零落圓

荷水不香為將為儒皆寂寞門前愁殺馬中郎

送應之道人歸江西

曾騎竹馬傍洪涯二十餘年變物華客夢等閒過驛閣

歸帆逆羨指龍沙名題小篆矜垂露詩作吳吟對綺霞

歲暮定知迴未得信來憑為寄梅花

欽定四庫全書

宋元詩會
卷一

十三

寄江州蕭給事

夕郎憂國不憂身今向天涯作逐臣魂夢暗馳龍闕曙

嘯吟閒繞虎谿春朝車載酒過山寺諫紙題詩寄野人

惆悵懦夫何足道自離羣後已同塵

陪王庶子遊後湖涵虛閣

東宮園

縣圃清虛乍過秋看山尋水上茲樓輕鷗的的飛難沒

紅葉紛紛晚更稠風卷微雲分遠岫浪搖晴日照中洲

躋攀況有承華客如在南皮奉勝遊

王三十七自京垂訪作此送之

失鄉遷客在天涯門掩苔垣向水斜只就鱗鴻求遠信

敢言車馬訪貧家烟生柳岸將垂縷雪壓梅園半是花

惆悵明朝樽酒散夢魂相送到京華

寄外甥苗仲武

放逐今來瘴海邊親情多在鳳臺前且將聚散為閒事

須信華枯是偶然蟬噪疎林村倚郭鳥飛殘照水連天

此中惟欠韓康伯共對秋風詠數篇

欽定四庫全書

宋元詩會
卷一

主

送楊郎中唐員外奉使湖南

江邊微雨柳條新握節含香二使臣兩綬對懸雲夢日

方舟齊泛洞庭春今朝草木逢新律昨日山川滿戰塵

同是多情懷古客不妨為賦吊靈均

和表弟包穎見寄

平生中表最情親浮世那堪聚散頻謝朓却令歸省閣

劉楨猶自臥漳濱舊遊半似前生事要路多逢後進人

且喜新吟報強健明年相望杏園春

送彭秀才

賈生去國已三年短褐閒行皖水邊盡日野雲生舍下
有時京信到門前無人與和投湘賦媿子來浮訪戴船
滿袖新詩好回去莫隨騷客醉林泉

和蕭郎中平日見寄

細雨輕風采藥時寒簾隱几更何為豈知澤畔紉蘭客
來赴城中角黍期多罪靜思如判檠敎書纔聽似含飴
謝公制勝常閒暇願接西川敵手碁

欽定四庫全書

宋元詩會
卷一

十四

和翰長聞西樞赴鄰居夜宴

開筵別有鄰居興卜夜應憐禁漏長舊友不期先命駕
新姬憑寵剩傳觴香烟結霧籠金鴨燭焰成花照杏梁
京邑衣冠多勝賞鱸魚爭敢道思鄉

和蕭少卿見慶新居

湘浦懷沙已不疑京城賜第豈前期鼓聲到晚知坊遠
山色來多與靜宜簪履尚應憐故物稻梁空自媿華池
新詩問我偏饒思還念鷓鴣得一枝

題紫陽觀

南朝名士富仙才進步東卿遂不迴丹井自深桐暗老
祠宮長在鶴頭來巖邊桂樹攀仍倚洞口桃花落復開
惆悵霓裳太平事一函真跡鎖昭臺

贈奚道士

名舍
象

奚生曾有洞天期猶傍天壇摘紫芝處世自能心混沌
全真誰見德支離玉霄僻閉人長在金鼎功成俗未知
他日飈輪謁茅許願同雞犬去相隨

欽定四庫全書

宋元詩會
卷一

十五

九日落星山登高

秋暮天高稻穗成落星山上會諸賓黃花泛酒依流俗
白髮滿頭思古人巖影晚看雲出岫湖光遙見客垂綸
風烟不改年長度終待林泉老此身

十日和张少監

重陽高會古平臺吟徧秋光始下來黃菊後期香未減
新詩捧得眼還開每因佳節知身老却憶前歡似夢回
且喜清時屢行樂是非名利盡悠哉

陳侍郎宅觀花燭

今夜銀河萬里秋人言織女嫁牽牛珮聲嘹亮和金奏
燭影熒煌映玉鉤座客亦從天子賜更籌須為主人留
世間盛事君知否朝下鸞臺夕鳳樓

柳枝辭

陌上朱門柳映花簾鉤半捲綠陰斜憑郎暫駐青驄馬
此是錢塘小小家

水閣春來乍減寒曉粧初罷倚闌干長條亂拂春波動

欽定四庫全書

宋元詩會

十六

不許佳人照影看

趙普

字則平幽州薊人周顯德間永興軍節度劉詞辟
為從事遺表薦普於朝宋太祖拔滁州宰相范質
奏為軍事判官太祖嘗與語奇之陳橋之役以佐
命功授右諫議大夫充樞密直學士乾德二年范
質等罷相以普為門下侍郎平章事集賢殿大學
士普既拜相上視如左右手事無大小悉咨決焉
五年春加右僕射昭文館大學士上屢幸其第自
是頗專朝政廷臣忌之會有攻其短者恩禮漸疎
太平興國初入朝上書自陳預聞顧託之事太宗
感悟召見慰諭拜司徒兼侍中封梁國公八年出
為武勝軍節度用陳王元僖言復拜太保兼侍中
未幾被疾求致仕上勉從之卒年七十一追封韓

王

雪中駕幸敝廬恭紀

貞元重數筴滕六劇霏葩漠漠初濡砌皚皚欲聚沙閭
閻銀作界宮闕玉為家調鼎慚鹽撒沾溫覺絮加瑞凝
三殿瓦欣動五雲車冰柱撐茅屋瓊枝擁翠華微行停
蹕警冷漏靜街譁具野曾無隗蟠溪豈問牙公然門駐
輦那信室蟠螭積素堪麟畫飛黃想兔置一庭堪曳練
十道趣宣麻戎索籌先後雄材辨等差神威殷地軸御

欽定四庫全書

宋元詩會

十七

指落天花袁臥甘朝穩裴功敢夜誇雪山行獻瑄早晚
到星槎

張齊賢

曹州冤句人生三歲值晉亂徙家洛陽孤貧力學
少慕唐李太亮之為人故字師亮太祖幸西都齊
賢以布衣獻策及還語太宗曰吾茲行惟得一張
齊賢耳我不欲官之異時可輔汝為相也太宗擢
進士因齊賢名稍後一榜盡與京官以大理評事
通判衡州還祕書丞改著作佐郎直史館俄改左
拾遺兼兵部事多奇中出為江南西路轉運使召拜
樞密直學士遷左諫議大夫雍熙三年大舉北伐
齊賢請行即授給事中知代州以軍功拜工部侍郎
郎淳化二年參知政事同中書門下平章事真宗

即位加兵部尚書進左僕射
年七十二薨贈司徒謚文定

豫章胡氏華林書堂

一百年來烟爨同衣冠江左慕家風兒孫歌舞詩書內

鄉黨優游揖讓中孝弟筠編爭紀錄門閭天語賜褒崇

莫將六闕方朱氏

朱敬則家門孝友三葉旌表門標六闕

葉葉蒸蒸奉始

終

午橋新居

午橋今得晉公廬水竹烟花興有餘師亮白頭心已足

欽定四庫全書

宋元詩會
卷一

六

四登兩府九尚書

李昉

字明遠深州饒陽人漢乾祐舉進士為祕書郎周世宗愛其文章擢史館修撰進翰林學士宋初加中書舍人開寶二年直學士院太宗即位加戶部侍郎歷參知政事淳化五年以特進司空致仕年七十二薨謚文正生平為詩文慕白居易淺近易曉有集五十卷

題岱宗無字碑

巨石來從十八盤離宮複道滿千山不因封禪窮民力

漢祖何緣便入關

永昌陵輓詞

丹青史筆敢虛張功德巍然軼漢唐莫玉四回朝上帝

御樓三度納降王

錢若水

字潛成河南新安人幼聰悟十歲能屬文雍熙中舉進士授同州觀察推官用寇準薦試翰林擢祕書監直史館歲餘遷右正言知制誥同知貢舉以奏邊事稱旨進翰林學士以右諫議同知樞密院事真宗即位加工部侍郎從幸大名陳禦敵安邊之策未幾知開封府上出手札訪以兵事改知天雄軍節制部署深為戎將推服上謂左右曰若水儒臣中知兵者也因遣巡撫陝西還拜鄆州觀察

欽定四庫全書

宋元詩會
卷一

十九

使代經畧使知并州事病卒年四十四有集二十卷

濟源縣裴公亭

裴相亭成未退身空煩舞袖與歌塵至今亭下瀟瀟竹

似對秋風怨主人

賈黃中

字端民滄州南皮人七歲能屬文十五舉進士授校書郎集賢校理遷左拾遺歷補闕開寶八年通判定州判太常禮院未幾採訪嶺南太宗即位遷禮部員外郎知昇州上李氏宮閣中遺物計直數百萬上嘉其廉具五年召歸闕拜駕部員外郎知制誥屢知貢舉加中書舍人兼史館修撰淳化二

年參知政事俄罷知襄州以母老乞留京改知潭州拜禮部侍郎兼秘書監卒年五十六黃中性畏慎過當雖知政事無所建明故時論不之許有文集三十卷

桂林還珠洞

赫赫威聲震百蠻肯攜筐筥涸溪山無人為起文淵問
端的珠還意苾還

曹翰

大名人士少為郡小吏好使氣陵人不容於鄉里乾祐初周太祖鎮鄴與語奇之以隸世宗帳下及即位補供奉官改德州刺史宋初從征澤潞還改濟州刺史移刺均州兼西南轉運使充成都平劍南

欽定四庫全書

宋元詩會

字

屢著戰功遷蔡州團練使歷桂州觀察使太平興國四年從征太原又從征幽州拜威塞軍節度後坐罪當棄市削官免死雍熙二年起為左千牛上將軍淳化三年卒年六十九翰雖武人頗知詩律宋史載其所作退將詩感動人主有曹景宗競病之風焉

內宴應制

三十年前學六韜英名嘗得預時髦曾因國難披金甲
不為家貧賣寶刀臂健尚嫌弓力軟眼明猶識陣雲高

庭前昨夜秋風起羞見團花舊戰袍

柳開

字仲塗開寶進士端拱元年知廣西全州招撫蠻洞甚得其心作詩鑑一篇示之按宋史稱開為宋初文學耆儒未及其吏事即詩亦不入文鑑中因閱廣西名勝志得律詩二章併悉其治全州惠政亦一快也開自稱無碍道人

捲煙閣

古寺聳山椒公堂去不遙尋僧忘俗慮盤道出塵囂疎箔捲煙霧明眸望次寥漁翁江上立指我在雲霄

楚南樓

洗盡蠻煙几案空登臨直見楚山雄坐當鴻鵠高飛處

欽定四庫全書

宋元詩會

字

身在乾坤瀨氣中木落有情瞻北闕霜輕無夢入西風
凭欄自是蓬瀛客獨對瀟湘興未窮

蕭貫

江西新喻人登祥符八年進士與凡賀弟貫皆以文名貫未第時嘗感疾夢至帝所命賦曉寒歌宮人授之簡曰此衍波箋也

禁中曉寒歌

寶獸宮扉三十六宮樹迎霜紅簇簇翠紗盤鳳珠網垂
百刻香殘墮蓮燭炭兒呀焰壁椒韻輓轡欲轉霏紅玉

渴烏涓涓不相續十二峴關隱宮綠長廊四注簾旋濡
海牛壓檐風不入文華侍嬪當宸闈壺箭傳呼鑰魚濕
尚衣次進入堵墻千門萬戶聞天香九龍鼓氣號寒螿
睥睨澤玉輝晨光綵衣佩魚無左璫兩兩趨走瞻扶桑
紅萍半規出波面熠燿觚稜九霞綃鳴鞘一聲天上來
長劍高冠滿前殿

呂蒙正

字聖功洛陽人太平興國二年進士第一由通判
昇州歷知制誥拜參知政事同平章事封許國公

欽定四庫全書

宋元詩會
卷一

辛年六十
八識文穆

罷相歸贈隱者

昔作儒生謁鎖闥今提相印出黃扉九重鵷鷺醉中別
萬里烟霄遠後歸鄰叟盡垂新白髮故人猶著舊麻衣
雒陽漫詫多才子自嘆遭時似我稀

讀書龍門山

八灘風起浪花飛手把漁竿傍釣磯自是釣頭香餌別
此心終待得魚歸

蘇易簡

字太簡梓州銅山人少慧勤學年踰弱冠舉進士
初任將作監丞通判昇州遷贊善以右拾遺知制
誥進秩祠部員外郎同知貢舉以妻弟匿喪克貢
坐罷知制誥俄復官淳化二年同知京朝官考課
遣中書舍人克承吉續李肇翰林志二卷以獻上
賜詩嘉之遷給事中參知政事緣與同官趙昌言
不協忽爭上前出知鄧州
移陳州卒有文集二十卷

誦聖製大言賦

聖人興兮告成功登崑崙兮展升中芳席地兮饗祖宗

天籟起兮調笙鏞日烏月兔耀文明參旗井鉞武衛森

欽定四庫全書

宋元詩會
卷一

挹北斗兮注醴醕削西華兮為石礪飛雲湧霞炮脈騰

剗鯨脂鵬代鰈鷁迅雷三動山呼發紫電三流耀火赫

四時一同兮萬八千年泰山融兮溟海乾圓蓋偃兮方

與穿

樂史

字永言原京兆人徙居崇仁宋初官著作郎賜緋
魚袋卒年七十八著書十二種惟家宇記傳於世
子黃裳黃中黃目黃庭俱先後登進士黃
目歷仕最久官通進銀臺兼門下封駁事

鍾山寺

千峯夾一逕一逕花枕泉聽泉復看竹行到鍾山前古
寺雲生屋高僧月伴禪自慚留一宿匹馬又朝天

楊朴

字契玄鄭州人太宗朝
用單士安薦召見賦詩

應制賦蓑衣

軟綠柔藍著勝衣依船吟釣正相宜蕪葭影裏和烟臥
菡萏香中帶雨披狂脫酒家春醉後亂堆漁舍晚晴時
直饒紫綬金章貴未肯輕輕博換伊

欽定四庫全書

宋元詩會
卷一

王四

魏野

字仲先陝州陝人也世為農母嘗夢引袂月中承
兔得之因有妊生野及長嗜吟咏不求聞達真宗
祀汾陰野與李讀同被薦遣陝令招之
辭不至天禧三年無疾而卒年六十

冬日書事

十月天不暖前村到豈能閒閒啄木鳥疑是打門僧壞
砌平山雪空堂照瀑水晚來因出戶差可暫攜藤

書友人屋壁

達人輕祿位居處傍林泉洗硯魚吞墨烹茶鶴避煙閒

惟歌聖代老不恨流年靜想閒來者還應我最偏

述懷

東郊魏仲先生計只隨緣任懶自掃地更貧誰怨天有
名閒富貴無事小神仙不覺流光速身將半百年

春日

春暖出茅亭攜筇傍水行易諳馴鹿性難辨鬪雞情妻
喜栽花活兒誇賽草贏翻嫌我慵拙不解彊謀生

暮秋閒望

欽定四庫全書

宋元詩會
卷一

王五

水閣閒登望郊原欲刈禾壞檐巢燕少積雨病蟬多砧
隔寒溪擣鐘隨曉吹過扁舟何日去江上負烟蓑

啄木

爪利背還剛殘陽啄更忙千林蠹如盡一腹餒何妨形
小過槐陌聲高近草堂豈能同燕雀惟解占高梁

閒居書事

無才動聖君養拙住山村臨事知閒貴澄心覺道尊成
家書滿屋添口鶴生孫仍喜多時雨經春免灌園